

Kommuneqarfik Sermersuumi kommunip kollegiaataanik akuersinernut malittarisassanut siunersuutit

Siunertaq:

§ 1. Kommuneqarfik Sermersuup kollegiaqarneq ingerlappaa, illoqarfimmi ilinniagaqartut inissanik atorfissaqartitsinerinut piumasarisat naammassiniarlugit.

Imm. 2. Kommuneqarfik Sermersuumi Piareersarfiit illoqarfigisaminni kommunip kollegiaataani inissanut, Iserit A/S-imit ingerlanneqartut, akuersinerit siulersorpaat. Kollegiamik inissaminnik akuerineqarsimasut utaqqisutut allanneqassapput, utaqqisutut allattorsimaffik Iserit A/S-imit ingerlanneqarpoq.

Ineqarfiit:

§ 2. Ilinniagaqartoq ilinniarfissaminut akuerineqarsimasoq imaluunniit ilinniakkaminik ingerlassisoq kollegiani inissaqartinneqarsinnaavoq. Ineqarfinnik agguaaneq § 5-mimi tulleriarinerit malittarisassa at malillugit Piareersarfimmiit ingerlanneqartarpoq.

Imm. 2. Kollegiami kisimiittunut ineeqqat kisimiillutillu pilersuisunut imaluunniit aappariinnut kollegiami marlunnik initallit agguaanneqartarput.

Piomasagaatit:

§ 3. Ilinniagaqartoq siusinnerpaamik 18-nik ukioqalereernerme kingorna aatsaat kollegiami inissaminik qinnuteqarsinnaavoq,

Imm. 2. Qinnuteqartoq ilinniagaqartuussaaq imaluunniit illoqarfimmi, kollegiami inissamik qinnuteqarfiusumi, ilinniarfigisassami tiguneqarsimasuussaaq.

Imm.3. Atualerfissap aallartinnissaanut siusinnerpaamik qaammat ataaseq sioqqullugu kollegiamik tuniussisoqarsinnaavoq.

Imm. 4. Illoqarfimmi kollegiami inissamik qinnuteqarfiusumi, ilinniarfissamat tiguneqarsimanermmut uppersarsaat qinnuteqartup takutissinnaasariaqarpaa. Inuutissartiutitut ilinniagaqarnermi ilinniarfissamik neriorsuut imaluunniit ilinniartuunissamat isumaqatigiissut atsiorsimasaq pigineqassaaq.

Imm. 5. Qinnuteqarsinnaatitaanermmut kiisalu kollegiami inimik tunniunneqarsimasumik attassinissamat, ilinniagaqarneq ilinniarfimmiit qinnuteqartunut tamanut qaammatit pingasukkaarlugit ilinniagaqarneq uppersarsarneqassaaq.

§ 4. Ilinniartoq, § 3 malillugu qinnuteqarsinnaatitaasoq, kisianni, Namminersornerullutik Oqartussat kollegiat pillugit ilisimatitsissutaat nr. 18, 1. november 2007-meersoq malillugu, inissamik tunineqarsimasoq, kommunit kollegiaataanni inissamik tunineqarsinnaanngillaq.

Tulleriarineq:

§ 5. Kollegiani init agguaanneqartarput tulleriarineq immaattoq malillugu:

1. Ilinniartut, Kommuneqarfik Sermersuup nunaqarfianinnaanneersut, Piareersarfimmi pikkorisariartut Namminersornerullutik Oqartussat kollegiat pillugit ilisimatitsissutaat nr.

18, 1. november 2007-meersoq malillugu, kollegiamik tunineqarsinnaanngitsut. Kommunip nunaqarfiineersunut, pingaartumik FA-mut aamma AEU-mut ilinniartunut ineeqqat sisamat pallillugit inniminnerneqartarput.

2. Ilinniartuq Nuumminngaannersoq ineqanngitsoq.

Imm. 2. Kollegiani inissiat agguanneqartarput tulleriaarineq immaattoq malillugu:

1. Aappaqanngitsut ilinniartut meerallit/aralinnik meerallit
2. Aappariit, tamarmik ilinniartut meerallit/aralinnik meerallit
3. Aappariit, tamarmik ilinniartut
4. Aappariit, aappaa kisimi ilinniartuq

§ 6. Immikkut pisoqartillugu § 5, imm. 1, nr. 1-3-mi malittarisassat saneqqunneqarsinnaapput, pingaartumik ilinniartup inuttut atugarisai pineqartillugit.

Piareersimasat allallu:

§ 7. Kollegiami inissiaq piareersimatinneqartarpoq ilinniartup ilinniakkami naammassinissaata tungaanut imaluunniit ilinniakkaminik taamaatitsippat.

§ 8. Kollegiami ineeraqartoq imaluunniit kollegiami inissiaqartoq najugaqartussaataavoq. Inigisaq qaammagini pingasuni sivisunerusumiluunniit atorneqanngippat, nakkutilliisunik isumaqatigiissuteqarani, isumaqatigiissut atorunnaarsinneqarsinnaavoq qaammammik ataatsimik periarfissaqartitaalluni.

§ 9. Ineqartoq illoqarfimmi nunamiluunniit allami atuartilluni imaluunniit ilinniarnernut atatillugu suliffimmiitilluni, ineqarnermut akiliuteqanngitsoortinneqarsinnaavoq ilinniarnernut atatillugu suliffimmiitilluni, uppersarneqarsinnaappat atuarnissaq ilinniarnermullu atasumik suliffimmiinneq illoqarfigisami ingerlanneqarsinnaanngitsoq, kiisalu uppersarneqarsinnaappat atuarnernup nalaani imaluunniit ilinniarnernut atasumik suliffimmiinnermut atasumik atuortoq saneqqunneqarsinnaanngitsumik inigisaminut aningaasartuuteqartariaqartoq. Nakkutilliisunik tamanna aalajangerneqassaaq.

Imm. 2. Nakkutilliisut kollegiami inigisaq pillugu ineqartumik isumaqateqarsinnaapput, ineqartup atuarnerni imaluunniit ilinniarnernut atatillugu illoqarfimmi allami praktikertilluni imaluunniit nunami allamiitillugu, inigisaq nakkutilliisunit atorneqariataarnissaanut piareersimatinneqarsinnaasoq.

§ 10. Qinnuteqarnerup kingorna ineqartoq meerartaarnernut atasumik sulinngiffeqartilluni kollegiami inigisaminik tiggummissaqarsinnaanernut pisinnaatitaavoq, sulinngiffeqarneq ilinniartuup uppersarsagaanik uppersarneqarsinnaappat.